

5 videre tē ait cupere. *PA.* vah perii : hoc malum integrascit.
sicin mē atque illam opera tua nunc miseros sollicitari[er] !
nam idcirco accersor nuptias quod mi adparari sensit. 690

CH. quibu' quidē quam facile potuerat quiesci, si hic
quiesset !

DA. age, si hic non insanit satis suā sponte, instiga. *MY.*
atque edepol

10 ea res est, proptereaue nunc misera in maerorest. *PA.*
Mysis,

per ōmnis tibi adiuro deos numquam eām me deserturum,
non si capiundos mihi sciam esse inimicos omnis homines. 695
hanc mi expetivi : contigit ; conveniunt mores : valeant
qui inter nos discidium volunt : hanc nisi mors mi adimet
nemo.

15 *MY.* resipisco. *PA.* non Apollinis mage verum atque hoc
responsumst.

si poterit fieri ut ne pater per me stetisse credat
quo minus haec fierent nuptiae, volo ; sed si id non poterit, 700
id faciam, in proclivi quod est, per me stetisse ut credat.

quis videor ? *CH.* miser, aequae atque ego. *DA.* consilium
quaero. *PA.* forti's !

20 sciō quid conere. *DA.* hoc ego tibi profecto effectum
reddam.

PA. iām hōc opus est. *DA.* quin iam habeo. *CH.* quid
est ? *DA.* huic, non tibi habeo, ne erres.

CH. sat habeo. *PA.* quid facies ? cedo. *DA.* dies [hic] 705
mi ut sati' sit vereor

ad agendum : ne vacuom esse me nunc ad narrandum credas :
proinde hinc vos amolimini ; nam mi inpedimento estis.

